

BOSNA I HERCEGOVINA  
*Konkurencijsko vijeće*



БОСНА И ХЕРЦЕГОВИНА  
*Конкуренијски савјет*

**MIŠLJENJE**  
po Zahtjevu privrednog subjekta „GRAWE osiguranje“ a.d. Banja Luka

Sarajevo  
oktobar 2019. godine



Broj: 01-26-7-017-2/19  
Sarajevo, 10.10. 2019. godine

Konkurencijsko vijeće Bosne i Hercegovine, na osnovu člana 25.stav (1) tačka f) Zakona o konkurenciji ("Službeni glasnik BiH", br. 48/05 , 76/07 i 80/09), a po Zahtjevu privrednog subjekta „GRAWE osiguranje“ a.d. Banja Luka, I Krajiškog korpusa 39, 78000 Banja Luka, , na 60. (šezdesetoj) sjednici održanoj dana 10.10.2019. godine, donijelo je

### **MIŠLJENJE**

Privredni subjekt Akcionarsko društvo za osiguranje „GRAWE“ Banja Luka, I Krajiškog korpusa 39, 78000 Banja Luka (u daljem tekstu: Podnosilac zahtjeva ili „GRAWE osiguranje“) podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev) o obavezi podnošenja prijave koncentracije, zaprimljen dana 26.09.2019. godine pod brojem 01-26-7-017-1/19.

Podnosilac zahtjeva u svom Zahtjevu navodi:

- da privredni subjekt „GRAWE osiguranje“ izražava namjeru pripajanja Akcionarskog društva za osiguranje „ATOS osiguranje“ a.d. Bijeljina, Filipa Višnjica 118, 76300 Bijeljina (u daljem tekstu: „Atos osiguranje“),
- da su privredni subjekti „GRAWE osiguranje“ i „Atos osiguranje“ subsidijarna društva privrednog subjekta „Grazer Wechselseite Versicherung AG“, Herrengasse 18-20, 8010 Graz, Republika Austrija (u daljem tekstu „GRAWE AG“), koji je vlasnik 100% udjela u vlasničkoj stukturi oba privredna subjekta koji namjeravaju učestvovati u pripajanju,
- da je pretežna djelatnost privrednog subjekta „GRAWE osiguranje“ neživotno i životno osiguranje, a privrednog subjekta „Atos osiguranje“ osiguranje od autoodgovornosti,
- da je kao pravni osnov pripajanja planiran ugovor o spajanju uz pripajanje između privrednog subjekta „GRAWE osiguranje“ kao društva sticaoca i privrednog subjekta „Atos osiguranje“ kao društva koje se pripaja, te će pripajanjem društvo sticalac „absorbovati“ društvo koje se pripaja tako da će se njegova imovina povećati za vrijednost imovine pripojenog društva,
- da privredni subjekt „GRAWE“ osiguranje neće mijenjati svoj pravni status,
- da će privredni subjekt „GRAWE“ kao društvo sticalac, nastaviti da posluje pod istom djelatnošću, te će neograničeno i potpuno odgovarati za sve obaveze društva koje se pripaja, bez obzira na momenat nastanka obaveze,
- da ova statusna promjena nema za posljedicu sprečavanje, ograničavanje ili narušavanje tržišne konkurencije na relevantnom tržištu, već ima kao cilj obezbjeđenje veće tržišne efikasnosti zbog koncentracije znanja, smanjenja dvostrukih funkcija i snažnijeg nastupa na tržištu,

- da ovom statusnom promjenom neće doći do promjene vlasništva nad privrednim subjektima koji učestvuju u statusnoj promjeni.

Konkurencijsko vijeće u vezi obaveze prijave koncentracije navodi:

- Član 12 stav (1) Zakona o konkurenciji utvrđuje da se koncentracijom u smislu ovog Zakona smatra:
  - a) spajanje ili pripajanje nezavisnih privrednih subjekata ili dijelova privrednih subjekata;
  - b) sticanje kontrole ili prevladavajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
    - 1) sticanjem kupovinom većine dionica ili udjela osnovnog kapitala; ili
    - 2) sticanjem većine prava glasa; ili
    - 3) na drugi način, u skladu sa odredbama zakona koji reguliše osnivanje privrednih subjekata i njihovo upravljanje;
  - c) zajedničko ulaganja na dugoročnoj osnovi, dva ili više nezavisnih privrednih subjekata, koji djeluju kao nezavisni privredni subjekt.

U skladu sa naprijed navedenim, Konkurencijsko vijeće smatra da pripajanje privrednog subjekta „Atos osiguranje“ privrednom subjektu „GRAWE osiguranje“ ne predstavlja koncentraciju u smislu člana 12. Zakona o konkurenciji, s obzirom da se ne radi o pripajanju nezavisnih privrednih subjekata.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

**Predsjednica**

**mr. Arijana Regoda- Dražić**